


清  
手  
記  
中  
冊

831  
303  
V. 2



3030  
V.2

中學國文補充讀本

第一集

清 詩 選

中 冊

吳道生選註

主編者

王雲五 丁巖音 張寄岫



商務印書館發行

424



鸚鵡

錢謙益

鸚鵡人憐汝，雕籠豢養成。翠衿矜妙麗，紅背鬪聰明。側近偷言語，憑高澆檻楹。君何憂反舌！時過寂無聲。

鸚鵡鳥名，毛色純白，善學人語。○又一種名鸚哥，色彩甚美，羽毛有綠赤紫黑等色，亦能爲人言。反舌鳥名，似伯勞而小，鳴聲圓滑，人或畜之，至冬則死。

做元微之何處生春早二十首錄四

錢謙益

何處生春早？春生翠袖中。憑闌寒食雨，却扇杏花風。掩抑縈飛絮，低迴數落紅。遠山看未足，延佇畫廊東。

○

何處生春早？春生刺繡中。停鍼花竝發，紉線鳥相蒙。密樹鋪重碧，斜陽綠

斷紅。流黃慙久晦，刀尺爲誰工？

○  
何處生春早？春生小院中。梨花能駐月，蕙草欲沈風。拂水臨妝鏡，香山薄綺櫳。不愁桃杏盡，堦藥又翻紅。

○  
何處生春早？春生畫舫中。花迎千嶂碧，柳罨小橋紅。溪女憐新鬢，菱歌愛晚風。西施舊明月，偏照五湖東。

△△  
流黃演繁露謂爲黃繭之絲；詞林海錯云：『流黃謂絹也。』

早起

吳偉業

早涼成偶遊。惜爽憩南樓。棊響鳥聲動，茶煙花氣浮。衫輕人影健，風細客心柔。餘興閒支枕，清光淺夢收。

訪古思天塹，江聲戰鼓中。全家知轉鬪，健婦笑臨戎。汗馬歸諸將，疲驢念兩宮。淒涼岳少保，宿草起悲風。

韓<sup>△</sup>斬<sup>△</sup>王<sup>△</sup>（宋史韓世忠傳）韓世忠字良臣，延安人，歷鎮南武安寧國節度使，紹興十年

四月擢樞密使，尋罷，爲醴泉觀使，二十一年八月卒，孝宗朝追封斬王，諡忠武。○墓在吳

縣靈巖山西麓。天<sup>△</sup>塹<sup>△</sup>天然之塹坑，言其險也。（南史）隋伐陳，孔範曰：『長江天塹，古

以爲限，虜軍豈能飛渡？』江<sup>△</sup>聲<sup>△</sup>句（韓世忠傳）金旣得建康，由廣德破臨安，世忠謀

截金人歸師，以前軍駐青龍鎮，中軍駐江灣，後軍駐海口，金兵至，則世忠已屯焦山寺，兀

兀約日大戰，戰將十合，梁夫人親執桴鼓，金兵終不得渡，請盡歸所掠假道，不許；請獻名

馬，又不許；相持黃天蕩四十八日，時兀兀在世忠上游，潛於半夜鑿渠三十里，乘小舟截

江遁去。疲<sup>△</sup>驢<sup>△</sup>（周密齊東野語）韓忠武王以元樞就第，杜門謝客，絕口不言兵，時乘

小驢，從一二奚童，縱酒西湖以自樂。念<sup>△</sup>兩<sup>△</sup>宮<sup>△</sup>謂徽欽二宗被擄北狩者也。岳<sup>△</sup>少<sup>△</sup>保<sup>△</sup>岳

飛也，岳墓在杭縣西湖。宿草隔年之草。

茸城客樓大風曉寒吟眺以示友聖九日玉符諸子 吳偉業

偶作扁舟興，偏逢旅夜窮。鴉啼殘夢樹，客話曉樓風。月落三江外，城荒萬馬中。空持一樽酒，歌笑與誰同？

茸城（明一統志）吳王獵場在松江府城南華亭谷東，（唐陸龜蒙詩）五茸春草雉

媒嬌（注）謂五茸者吳王獵所，茸各有名，故稱五茸城。三江吳淞江婁江東江皆太

湖之支流。

高郵道中 吳偉業

野宿菰蒲晚，荒陂積雨痕。湖長城入岸，塔動樹浮村。漁出沙成路，僧歸月在門。牽船上瓜埭，吹火映籬根。

湖長（一統志）高郵湖一名新開湖，在高郵西北三里，長闊一百五十里，天長以東之

渡江開伊婁河二十五里渡揚子立埭埭以土堰水也卽今之土壩

京口遣懷時江上戒嚴

宋 琬

喪亂逢今日，馳驅弱此心。出忘南北路，坐廢短長吟。竹籜懷新雨，櫻桃憶舊林。緘書那可寄，鄉國少來音。

湖上雜詩十首錄二

宋 琬

山色南屏好，空濛半有無。曲塘容舴艋，衰柳臥鶉鷓。雲起千峯亂，天晴一塔孤。興來思遠眺，羌笛滿西湖。

○

舊里蓬蒿徧，他鄉道路違。正愁聞鷺語，久客羨鴉歸。老僕分餠粥，山僧貸葛衣。所懷無一就，深覺負魚磯。

舴艋小舟也，小蝗謂之蚱蜢，義相近也。

鶉鷓水鳥也，一名鶉，體大於鶉，好羣飛，沈水食

魚。饘粥厚曰饘，稀曰粥。

茗溪舟中和吳仲徵韻二首錄一

宋 琬

又向吳興道，多慚物役牽。偶逢田父問，但說主人賢。橙橘香秋雨，蒹葭冷暮煙。村醪何處貫，須趁採菱船。

蒹葭，蒹、荻之別名，葭、蘆也。（詩）蒹葭蒼蒼。

醪，濁酒也。

貫，式藝切，貸也，賒也。

燕子磯

施閏章

絕壁寒雲外，孤亭落照間。六朝流水急，終古白鷗閒。樹暗江城雨，天青吳楚山。磯頭誰把釣，向夕未知還。

燕子磯在今江蘇江寧縣北之觀音山，山上有石，俯瞰大江，形如飛燕，故名。六朝吳、東

晉、宋、齊、梁、陳相繼都建康，是為六朝。

舟中立秋

施閏章

嶺海指兩廣言，時三藩未平。游饑游再也，游饑謂兩值荒歲也。疇田也。

送雪龕兄任保寧

沈荃

最憶閬中勝，雲山到眼迷。地從巴水折，天入劍門低。夜月桐花豔，春風杜宇啼。池塘應有夢，鄉思更淒淒！

閬中山名，一名錦屏山，在四川閬中縣南，嘉陵江南岸，與縣治對峙。巴水巴江也，源出

四川南江縣北，南流逕縣東，又南逕巴中，至達縣，合渠江以入嘉陵江。（三巴記）閬白

二水南流曲折如巴字。劍門山名，亦曰大劍山，在四川劍閣縣北。

故關

顧大申

盡日常山道，雄關此鬱盤。萬山爭一險，絕壁鳥飛難。馬度黃雲合，旗翻白日寒。論兵空有地，誰得更登壇？

（自注）井陘縣有淮陰談兵處石碣。

符離弔潁川侯傅公

王士禎

躍馬千山外，呼鷹百戰場。平蕪何莽蒼！雲氣忽飛揚。寂寂通侯里，沉沉大澤鄉。潁川湯沐盡，空羨夥頤王。

符離故城在今安徽宿縣北二十里。傅公明傅友德也，宿人，有大功，洪武初封潁川侯，

後以猜忌無罪賜死。莽蒼皆讀上聲。草野之色也。大澤鄉陳涉起兵處。湯沐盡諸

侯皆有湯沐之邑，在天子縣內，後即以稱封邑，傅死，子孫不得襲封，故云盡。夥頤王即

陳涉，詳史記涉世家，涉亦宿人，高祖猶為置守冢，而傅在明立大功，食報遠不如涉，故云

空羨夥頤王。

濟墅舟中眺陽山殘雪

王士禎

日出陽山外，參差見幾峯。依稀露煙靄，窈窕明雲松。忽憶梅花發，清溪深萬重。扁舟欲乘興，杳杳暮天鐘。

西指褒斜路，淒然送遠心。千峯盤雪棧，數騎出雲林。蜀道連天起，秦關入望深。今宵圖畫裏，如聽暝猿吟。

會道扶名王孫，浙江嘉興人，順治進士，時方之漢中府節推任。褒斜，陝西終南山之谷

也，南口曰褒，在褒城縣北；北口曰斜，在郿縣西南，長四百五十里。

### 徐州渡河

王士禎

楚漢興亡後，雌雄幾戰爭？大風過泗上，落日照彭城。玉斗空遺恨，銀刀久厭兵。登臚一長嘯，冰雪太崢嶸！

楚漢句（元和郡縣圖誌） 徐州楚漢之際，楚懷王自盱眙徙都之後，項羽遷懷王於

郴，自立為西楚霸王，又都於此。雌雄句（史記項羽本紀）項王謂漢王：『天下匈匈

數歲者，徒以吾兩人耳！願與漢王挑戰決雌雄。』玉斗（史記）張良曰：『玉斗一雙，

再拜奉大將軍足下。』亞父受玉斗置之地，拔劍撞而破之，曰：『唉！豎子不足與謀。奪項

王天下者，必沛公也。  
銀刀（唐書王式傳）咸通三年徐州銀刀軍亂，以式檢校工部尚書徙武寧節度使，詔許滑兵自隨，視事三日，悉以計誅亂兵。

### 樊川桃花

王士禎

三月樊川路，紅桃散綺霞。  
終南青送黛，滈水碧穿沙。  
草色裙腰合，渠流燕尾叉。  
銷魂過杜曲，一樹最天斜。

樊川在今陝西西安縣南，滈水之支流也。（水經注）沈水上承皇子陂於樊川，沈水即

滈水。終南山名，（雍錄）終南山橫亘關中南面，西起秦隴，東徹藍田。燕尾（遊城

南記）樊川御宿之水交流，謂之交水，西合於灃，北入于渭。杜曲地名，在西安縣南，唐

杜牧萬年人，杜曲西南是其故居。

### 麻平寺逢友人自楚至

曾 晧

空山留一寺，下馬忽逢君。  
蜀道無長轂，征衣有棧雲。  
秋邊鳴細雨，谷口上

始得方舟穩，滄波轉路迷。濤聲春晝外，寺影夕陽西。楊柳橫橋暗，桃花夾岸齊。十年江海興，與爾手同攜。

彭蠡夜泛

彭孫適

清淺宮亭水，濺濺百道流。殘春風送客，終夜月隨舟。野火沈葭葦，遙天挂斗牛。相依有鷗鷺，任意宿汀洲。

彭蠡湖名，即今江西鄱陽湖。

梅里晚泊

彭孫適

水鄉當十月，景物已蕭辰。有歲風堪樂，無官俗更淳。墟煙寒近寺，林火夜歸人。近作移家計，端宜此卜鄰。

梅里鄉名，在江蘇無錫縣東南，泰伯所居也。今鄉中有泰伯城。

蕭辰言秋晨也，辰通

晨。

送十一叔游中州二首錄一

朱彝尊

旅館涼風起，秋城畫角哀。天涯方遠客，祖道且深杯。山色陰中岳，河流繞

吹臺。梁園多雨雪，歲暮好歸來！

中州即河南省。

祖道餞行也。

中岳嵩山也。

吹臺在河南開封縣東南。

河黃河。

梁園（歸德府志）

梁園在府城東，一名梁苑，或曰即菟苑，漢梁孝王築，宋謝惠連於此

賦雪。

七月八日夜對月

朱彝尊

素月弦初直，清宵漏轉添。乍堪盈手贈，無復兩頭纖。影動明河鵲，涼生碧海蟾。玲瓏看不定，試上水晶簾。

旅興呈舍人五兄二首錄一

朱彝尊

舊宅烏衣巷，涼秋白苧歌。湖山歸路遠，風雨閉門多。暗壑隱松桂，深潭漂

『質如輕雲色如銀，製以爲袍餘作巾，袍以光驅巾拂塵。』梁武帝令沈約改其辭爲四

時白紵歌。

螺川早發

王猷定

月落秋山曉，城頭鼓角停。  
長江流剩夢，孤棹撥殘星。  
露溼鷗衣白，天光鴈  
字青。  
蒼茫回首望，海嶽一孤亭。

寄梵川諸友

潘高

柳暗溪南路，柴門第幾灣。  
人隨春水遠，鳥帶夕陽還。  
綠過孤村雨，青浮隔  
縣山。  
徘徊芳草意，不盡暮雲閒。

嚴陵江

張英

千嶂桐廬道，清風幾溯洄。  
不知天子貴，猶是故人來。  
垂釣本無意，披裘亦  
浪猜。  
翻嫌人好事，高築子陵臺。

嚴陵嚴子陵也，名光，東漢餘姚人，少與光武同遊學，光武卽位，變名姓，隱身不見，帝令物色得之，除諫議大夫，不就，耕於富春山，後人名其釣魚處爲嚴陵瀨，瀨在浙江桐廬縣南，故亦名此處之水曰嚴陵江。

落葉

陳玉璣

木葉驚微脫，相看惜故枝。一秋今古夢，萬樹別離思。入水飄無定，隨風下每遲。始知天地意，搖落總無私。

尋山

葉燮

二月花爭發，尋山一徑冥。峯迴常抱影，雲斷半銜青。柳露沿溪屋，人歸隔嶺亭。桑榆留晚照，尙及渡前汀。

聞蛩

徐倬

鄉國三千里，寒蛩總一聲。遙知閨閣內，共此別離情。響入秋砧細，愁先朔

登代州白人巖因飲孫園

李因篤

高仞懸孤嶂，雙厓劃一門。好人多在野，春水自依村。雨走空天角，松藏老石根。危梯攀古洞，彷彿說桃源。

憶貴池吳師

陳維崧

當代論兵會，誰人可擅場？劉琨歸朔北，孫策入丹陽。一諾輕車騎，千言破混茫。靈旗如彷彿，毅魄想飛揚。

貴池今安徽貴池縣。

吳師吳次尾也。

劉琨晉魏昌人，字越石，以功封廣武侯，琨忠於

晉室，素有重望，段匹磾忌之，遂為所害。

孫策三國吳主孫權之兄，字伯符，父堅戰死，策

收其餘卒，渡江轉戰，所向皆破，遂定江東之地。

發維揚

嚴繩孫

輕舫春流上，煙光淨客衣。岸知緣海闊，山自渡江稀。細路花將盡，空村燕

不飛。浮家吾自可，白首共漁磯。

晚抵襄陽

李澄中

檣上一鳥啼。燈明兩岸齊。星垂古峴口，月照大江西。地險分南北，時平罷鼓鼙。兒童清夜裏，還唱白銅鞮。

白銅鞮（隋書）梁武帝在雍鎮，有童謠曰『襄陽白銅蹄』一作鞮，（李白襄陽歌）

襄陽小兒齊拍手，攔街爭唱白銅鞮。

卽事

趙執信

繞屋千章樹，連村二頃田。溪聲翻麥浪，山雨淨林烟。地僻聊充隱，樓居不學仙。祇應似彭澤，種秫徧門前。

彭澤陶潛嘗為彭澤令，郡遣督郵至，縣吏白應束帶見之，潛歎曰：『我不能為五斗米折

腰向鄉里小兒。』卽日解印綬去。秫稷之黏者，可以釀酒，今北方通呼高粱曰秫。

入懷。閒身乘興出，偏與夕陽偕。

<sup>△</sup>鞢鞋本字。

赴登州留別康海

微雨牽行色，離觴且對君。預愁見何日，不惜手輕分。  
清海高於岸，空煙聚作雲。來朝倚仙閣，吟望背斜曛。

將登太華憩金波院遇雪

乍到金波院，當門見碧桃。前峯松徑密，此地竹林高。  
竈下山禽熟，簷陰翠壁牢。上方晴又雪，特為點春袍。

<sup>△△</sup>上方猶言天上，一謂地勢最高之處，（杜甫詩）上方里閣晚，百里見纖毫。

昨夜雪

吳 雯

昨夜北風寒。高樓靜掩關。幾時吹海雪，一夜滿吳山。  
嵐影迷黃鶴，江雲隱



白鷗。沉香何處火半醉擁雙鬢。

同諸子集南澗

吳 雯

把酒溪邊館，高歌陌上田。相知年少日，芳草孟春天。樹密時鶯滑，雲深野棧懸。來朝須有會，應更綠楊邊。

九江

邵長蘅

吳楚一江共，波濤九派分。湖光寒白白，廬嶽曉常雲。虎鬪荒村跡，猿啼落日聞。琵琶亭廢久，楓葉正紛紛。

九江即今江西九江縣治。九江之說不一，以烏江、蚌江、烏白江、嘉靡江、畎江、源江、廩江、提

江、茵江為九江，見《潯陽記》。蓋以鄂贛二省間入江九水為九江也。又以湖漢等九水

入彭蠡為九江，見《晉太康地記》。湖漢水即贛江上游之貢水，是以贛江挾諸水入鄱

陽為九江也。湖光謂鄱陽湖也。廬嶽謂廬山也。琵琶亭在九江縣西大江濱，唐白

寒色孤村暮，悲風四野聞。溪深難受雪，山凍不流雲。鷗鷺飛難辨，汀沙望莫分。野橋梅幾樹，併是白紛紛。

訪吳采山不值

查昇

秋水乘孤艇，沿緣亂葦間。時看黃葉落，境共白鷗閒。林影溪邊屋，鐘聲雲外山。故人今不見，月出棹歌還。

留別吳梅梁表兄

查慎行

幾日重陽雨，雨晴天忽寒。北風醒別酒，落葉打征鞍。不計授衣晚，欲爲分袂難。他鄉老兄弟，情到勸加餐。

山店阻雨次徐任可韻

查慎行

長程愁冒雨，小市喜臨橋。旅飯留人住，征衣借火燎。溪喧窗逾靜，吟苦膝頻搖。莫作衝泥去，尋山不在遙。

久客皖上將之江州劉東臯以詩見送次韻留別

查慎行

大小孤山色，西南兩點煙。獨攜孤枕夢，又上九江船。岸闊沙沈樹，風狂浪拍天。感君投贈意，臨別倍依然！

孤山△大孤山在鄱陽湖中，卽鞋山，今亦作姑。小孤山在安徽宿松縣東百二十里，江西彭

澤縣北大江中，風景絕勝，與南岸彭郎磯相對，故俗稱小姑山。

渡高淳湖

查慎行

曉程貪穩睡，天色尙濛濛。人語蓼花外，鳥鳴菱葉中。舟稀知路僻，水淺賴潮通。脫盡江湖險，朝來不怕風。

園中西府海棠秋盡忽發花

查慎行

萬木正搖落，一枝春忽回。縱饒花意好，不稱此時開。草本名相托，霜風豔恐摧。天寒憐袖薄，爲爾一低徊。

纖月照闌干，愁心夜獨看。光流千嶂動，影入萬松寒。銀漢何清淺，金波自  
淼漫。臨風旋起舞，烏鵲過林端。

銀漢天河也。烏鵲句（曹操短歌行）月明星稀，烏鵲南飛，繞樹三匝，何枝可依。

### 吳中感興

謝遵王

兩月金閭住，聽殘白紵歌。山惟洞庭好，春是虎邱多。良覲故人遠，鄉心寒  
食過。舵樓閒倚望，渺渺奈愁何？

金閭江蘇吳縣閭門內舊有金閭亭，以位在西，而與閭門近，今通稱蘇州曰金閭。白紵

歌注見前。洞庭山名，在江蘇太湖中。虎丘山名，在江蘇吳縣西北七里，泉石奇勝，登

眺則全城在目。良覲猶言歡聚。

### 北郭

厲鶚

北郭夕陽外，人家住水西。藤花當戶落，荷葉並橋齊。沙碧鳥雙下，樹涼蟬

獨嘶。輕絺來往熟，幽興坐堪攜。

靈隱寺月夜

厲鶚

夜寒香界白，澗曲寺門通。月在衆峯頂，泉流亂葉中。一燈羣動息，孤磬四天空。歸路畏逢虎，况聞巖下風！

靈隱寺在浙江杭縣西靈隱山上。香界謂佛寺也。澗山夾水也。

菱湖

厲鶚

到眼忽成市，千家匳鑑開。魚多論斗賣，菱好及時栽。歷歷帆斜過，泔泔水倒回。有人葭菼外，銅笛或吹來。

匳音廉，鏡匣也。鑑鏡也。泔泔水轉流貌。葭蘆也。菼似葦而小，即荻也。

四月吳淞好二首錄一

厲鶚

四月吳淞好，天低樹壓橋。青蘆界湖尾，白鳥點山腰。踏水女初嫁，搦魚童

已分沈滄海，清光不上天。乍驚東壁曉，仰見一輪懸。萬里人同節，中秋影共憐。何能負良夜？<sup>？</sup> 讌賞又經年。

盛湖

汪文柏

矮屋環湫市，洄流界疊塍。夜燈千疋練，秋雨半湖菱。擊榜吳娃捷，評珠賈客能。辛勤終歲力，猶未足催徵。

昭平道中

沈用濟

灘勢奔騰下，舟行次第高。瀑流爭一石，人力盡千篙。壁峭奔雷雨，林深聚羽毛。江鄉歸未得，夢寐亦風濤。

毛氏園觀牡丹

黃子雲

十畝芳菲宅，名花最後看。乍疑春欲醉，可愛露難乾。倚日自矜寵，迴風不受寒。藥闌頻徙倚，吟望夕陽殘。

過五經嶺

同揆

絕壑松杉合，懸巖冒雨登。雲中人種麥，天際我攀藤。路盡峯能轉，巢危石欲崩。寒烟滿蘿屋，應有未歸僧。

長夏山城遣興錄二

周長發

消夏渾無事，長吟雪藕絲。留賓傾竹葉，談道折松枝。花架風來處，桃笙夢醒時。晚涼游石隴，蟬噪故遲遲。

○

何處採蓮曲？歌聲度碧溪。萬山逢樹暗，獨鳥向人啼。酒漫中徐邈，琴宜遜不齊。北牕高臥地，清夢未全迷。

雪洗也，刷也，（杜甫詩）公子調冰水，佳人雪藕絲。

竹葉酒名。

松枝以松枝代麀尾，

為陳時張譏事，見（南史儒林傳）

笙簞也，

（方言）

簞宋魏之間謂之笙。

隴小障

臥北窗，自謂羲皇上人。

### 泊舟版牖

沈德潛

淮流清見底，愛此晚停橈。市鬧知冬盡，僧閒歎客勞。河壩兒祀竈，邨店婦司庖。明日騎驃去，春風拂縕袍。

版牖（淮安府志）滿浦灞在府北門外四里，地接窰溝版閘，歲澇不常，長隄為障。○淮

安府即今江蘇淮安縣。○牖同閘。河壩河邊地也。祀竈冬十二月二十四夕祀竈，見

（淮安府志）縕袍以舊絮或碎麻著於其中，謂粗惡之衣也。（論語子罕篇）衣敝

縕袍。

### 同張玉李登雨花臺作

王又曾

手把浮邱袖，飄然占一臺。人烟依塔上，龍氣挾江來。地險餘兵壘，時清笑霸才。天花零落盡，不必首頻回。

雨花臺在江蘇江寧縣南，據岡阜最高處，遙瞰長江，俯臨城市，為金陵扼要之地。（名勝

志）梁武帝時僧雲光講經於此，天雨花，故名。浮邱（列仙傳）王子喬者周靈王太

子晉也，好吹笙，作鳳皇鳴，遊伊洛之間，道士浮邱公接以上嵩高山。塔報恩塔也。

歲暮到家

蔣士銓

愛子心無盡，歸家喜及辰。寒衣鍼綫密，家信墨痕新。見面憐清瘦，呼兒問苦辛。低回愧人子，不敢歎風塵。

詠懷

蔣士銓

風向秋林出，吹人鬢欲霜。初寒孤客覺，流水白鷗忘。明月在深院，扁舟成異鄉。扶牀憶嬌女，含笑拜高堂。

扶牀謂人幼時兩手僅足扶牀也。（元稹詩）扶牀小女君先識，應為些些似外翁。○按

士銓有女名寧意，字若男，卒於辛未年八月，士銓作詩八首悼之。高堂稱父母也。（李

濕雲鴉背重，野寺出新晴。敗葉存秋氣，寒鐘過雨聲。半檐羣鳥入，深樹一  
鐙明。獵獵西風勁，湖心月乍生。

西干故里

趙翼

野景農家好，西成候薄寒。晚風牛背笛，秋水鴨羣竿。山樹紅黃綠，村醪苦  
辣酸。年豐民氣樂，相見勸加餐。

△△西城言秋時農事收穫告成也。

冬日卽事二首錄一

張問陶

人斷五更夢，天留數點星。亂鴉盤曉日，落木響空庭。雲過地無影，沙飛風  
有形。晨光看不足，萬象自虛靈。

春感

黃景仁

亦有春消息，其如雨更風！替愁雙淚蠟，對語獨歸鴻。宮闕自天上，家山只

夢中東君最無賴，不放小桃紅。

小桃<sup>△</sup>（老學菴筆記）桃花有所謂小桃者，上元前後即著花，狀如垂絲海棠。

雨後湖泛

黃景仁

風起水參差。舟輕去轉遲。一湖新雨後，萬樹欲煙時。有客倚蘭楫，何人唱竹枝。蓮娃歸去盡，極浦剩相思。

竹枝<sup>△</sup>（唐音癸籤）竹枝乃樂府之名，本出巴渝，元和中劉禹錫謫其地為新詞，更盛行焉。蓮娃<sup>△</sup>採蓮女子。

不寐

黃景仁

不寐披衣坐，千林曙色封。山銜將落月，風約欲疏鐘。虛白水明閣，高寒鶴唳松。回頭看城堞，鴉散曉雲重。

虛白<sup>△</sup>（莊子）虛室生白。言以室比心，心能空虛，則純白獨生矣。唳<sup>△</sup>鳥鳴也。堞<sup>△</sup>城上

自昔居靈谷終年聽石湍落花趺坐軟深樹衲衣寒孤月胸前指千山定後看。無緣居士室，暫接問輕安。

定禪定也。

### 復阻風

姚鼐

三月鶯花盡，江邨直似秋。陰從亭午合，風挾暮潮留。水氣侵厓上，寒聲在樹頭。長年仍益纜，水宿亮多憂。

### 夏日

姚鼐

空庭朝復暮，邈爾若無依。自顧與人遠，方知近道稀。暑雲檐外盡，晚日竹中微。谷鳥翩翩影，孤翔識所歸。

### 石湖草堂

姚鼐

昔爲祠宇記，今訪石湖園。烟水長如此，風流向古論。堂開懸石趾，潭隱曲

巖門。滿谷芳幽桂，虬枝誰與援？

寄王禹卿

姚鼐

竟日無人至，蕭蕭風雨涼。樓臺憑晚霽，天地正青蒼。思爾西湖去，拏舟春草長。無因聞玉笛，煙月夜琅琅。

春日漫興四首錄一

姚鼐

芳草深春後，高樓擁樹端。一城萋更綠，累日未曾看。江氣浮煙薄，山光抱郡寒。故人猶辱問，數字自長安。

初二夕宿漢口聞爆竹聲不絕

洪亮吉

漢水入江處，東西一道斜。五更喧爆竹，十里散飛花。已破早梅萼，還驚徹曙鴉。聊應當鄉語，淺夢乍回家。

寄遠曲三首錄一

朱柔則

儒將風流在，官清俗事無。小園一二畝，垂柳兩三株。妙解觀魚樂，閒描戲鴨圖。平生氣飛動，餘夢落江湖。

○

初月隱高樹，虛窗留晚煙。秋風下紅葉，落我酒杯前。積水涼生地，行雲影在天。舉頭一相問，萬籟正蕭然。

春星閣小聚數日留詩志別

朱琦

策杖頻登眺，乾坤復此亭。煙迷三楚白，山對九疑青。別業東風起，高松北牖聽。隔年詩補和，留客雨冥冥。

送王少鶴

曾國藩

待爾雙雙至，春回又一年。開尊皆舊友，發篋半新篇。荔子紅時雨，芭蕉綠

外天。江鄉好風景，話向酒杯前。

發祁門雜詩二十二首寄曾總督國藩兼呈同行諸君子錄二

王闓運

已作三年客，愁登萬里臺。異鄉驚落葉，斜日過空槐。霧溼旌旗斂，煙昏鼓吹開。獨慚攜短劍，真爲看山來。

○

嵐樹晚蒼蒼。千家閉夕陽。雲低一水白，山占半城荒。負米看貧婦，歸樵趁野航。亂離憑節制，稍喜見秋糧。

△△  
祁門安徽祁門縣。

雪夜

劉銘傳

大雪苦寒夜，短牀高臥時。早春歸雁緩，斜月到門遲。纔得還鄉里，又將遠

無家。後夜愁煙雨，明湖萬柳斜。

寶塔灣

沈曾植

蕭晨煙未泮，散舸趁輕鳧。一往聞揚語，重來識佛圖。風微漁唱遠，月淡曉光無。行色兼悲喜，沙頭問僕夫。

泮散也。

揚語揚州人語。

佛圖謂寶塔也。

晚泊

梁鼎芬

疏林春月淨，遠水暮鴉遲。小泊當松下，初愁及酒時。江湖非昔日，魚鳥與新知。夜半聽湖響，舟人已解維。

花事二首錄一

高鍾泉

花事殊無據，東風面太生。梁低空待燕，地僻少聞鶯。簾外幾春雨，樓頭多

晚晴。踏青鞋未繡，何日是清明？

雨中寺樓聽度曲

李慈銘

瀟瀟歌不歇，茶熟更香殘。雨意催絃潤，泉聲繞指寒。秋花依翠磴，薄蘚上紅闌。鬢影禪牀畔，楞嚴自在看。

楞嚴佛經名。

漪瀾堂遇雨步歸舟中作

李慈銘

竹外斜陽匿，層陰墮檻前。泉聲鄰夕磬，雨色上茶煙。客賞暫難足，故山思獨偏。孤舟回望處，白羽下平田。

出潼關渡河

譚嗣同

平原莽千里，到此忽嵯峨。關險山爭勢，途危石墜窩。嶠函羅半壁，秦晉界長河。為診揚度，高吟擊楫歌。

龍清中原而復濟者有如此江』見（晉書本傳）

春日靈峯途中

敬安

春來多逸興，獨去款巖扉。澗草青承屐，溪雲白上衣，落花隨水至。野鳥伴人飛。樵路行將盡，鐘聲出翠微。

